

BE.60. MAROLOPOLOP HAMU (Eb=1)

=====

B.E No. 60. MAROLOPOLOP HAMU

1. Maroloolop hamu ale surusuruan
Puji ma Jesus na ro paturehon dalanan Tu surgo i
Di manisia sude Songon na dapot idaon.
2. Marolopolop hamu angka ujung ni tano
Puji ma Jesus Tuhanta na ro sian surgo
Domu muse jolma pardosa sude Tu Debata na di surgo
3. Tanda ma holong ni roha ni Tuhan Jahowa
Ai dipatupa na tau halongangan ni roha
AnakNa i Tubu di Betlehem i Lao paluahon pardosa
4. Anak ni Tuhan Jahowa manjalo sibukta
Ise na tuk mangantusi pambaenNa di hita ?
Mungkap nuaeng Dalan tu surgo dibaen Asa girgir bongotanta
5. Dohot do au, ale Tuhan ditatap rohaMu
Dohot tu ahu dilehon Ho hatuaonMu
Las rohangkon naeng ma pujionku tongtong Ho Sipangolu tondingku
6. Raja na sangap na bolon huhut marmulia
Na gabe jolma humophop sude manisia
Ho do tongtong Ihuthononku dison Sai hutundalhon na roa
7. Ale Immanuel tubu ma Ho di rohangku
Jalo ma i, ale Jesus, tongtong ingananMu
Topot au on Baen ma au sonang tongtong Jala sai gohi rohangku.
8. Huhaholongi o Jesus, Ho alealengku
Jala goarMu na bolon tongtong pujionku
Jalo au on, Jala urupi tongtong Mangaradoti hataMu